

S A M Þ Y K K T

fyrir Vatnsveitufélag Skammbeinsstaðabæja í Holtahreppi, Rangárvallasýslu.

1. gr.

Félagið heitir Vatnsveitufélag Skammbeinsstaðabæja. Heimili þess og varnarþing er í Holtahreppi, Rangárvallasýslu.

2. gr.

Tilgangur félagsins er að sjá þýlum á félagssvæðinu fyrir vatni.

3. gr.

Stofnendur félagsins eru ábúendur þýlanna: Skammbeinsstaðir I, Skammbeinsstaðir II, Skammbeinsstaðir III og Skammbeinsstaðir IV. Hver stofnandi greiði fjögur þýsund krónur sem stofngjald og telst hann eigi fullgildur félagsmaður fyrr en það stofngjald er greitt. Allt vatn í fjós, þvottahús og önnur þau hús, er heyra búrekstri jarðarinnar til, telst undir sama stofngjald og íbúðarhús. Félagsskylda samkvæmt fyrstu málsgrein þessarar greinar er því skilyrði háð, að ábúanda sé látin í té afnot af vatni því, sem félagið hefur til umráða.

4. gr.

Ef þýlum fjölgar á félagssvæðinu má taka ábúendur þeirra í félagið með samþykki allra félaga. Nýr félagsmaður greiðir sama stofngjald og eldri félagar og öll gjöld, sem á félaginu hvíla til jafns við aðra félagsmenn frá því er hann gekk í félagið. Sjálfur skal hann kosta allar framkvæmdir, sem gera verður sérstaklega hans vegna til þess að hann geti notað mannvirki félagsins.

5. gr.

Kostnað af upphaflegri aðalleiðslu vatnsveitunnar skal að jöfnum hlutum greiða fyrir hvert þýli á félagssvæðinu. Skal hann greiddur af stofngjöldum félagsmanna, þar sem þau hrökkva til og styrk, sem veittur kynni að vera til vatnsveitunnar.

Vatnsskatt skal innheimta árlega af hverju þýli á félagssvæðinu, sem vatns nýtur úr vatnsveitunni. Skal félagsstjórnin tiltaka upphæð hans þannig fyrir hvert reikningsár, að nægi til greiðslu vaxta og afborgana stofnkostnaðar aðalleiðslu vatnsveitunnar og til viðhalds.

6. gr.

Félagsfundur er því aðeins lögmætur að allir félagarnir mæti.

7. gr.

Aðalfundur félagsins skal haldinn eigi síðar en fyrsta apríl ár hvert. Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess og kosnir þrír menn í stjórn og einn endurskoðandi til eins árs í senn.

8. gr.

Stjórn félagsins skiptir sjálf með sér verkum. Störf stjórnar og endurskoðanda skulu vera ólaunuð. Formaður kveður stjórnina saman til fundar og boðar félagsfundi og aðalfund. Stjórnarfundir eru því aðeins lögmætir, að allir stjórnarmenn séu

mættir. Færa skal gerðarbók stjórnarfundar og skal ritari félagsins lesa fundargerð í lok hvers fundar og undirrita hana ásamt formanni, þegar hún hefur verið samþykkt.

9. gr.

Stjórn félagsins hefur umsjón með vatnsveitunni, annast reikningshald hennar og innheimtu á gjöldum til félagsins. Hún sér um viðhald og viðgerðir á vatnsbóli og aðalleiðslu vatnsveitu.

10. gr.

Samþykkt þessari má ekki breyta nema á aðalfundi með samþykki allra félagsmanna.

Samþykkt þessi, sem samin er og samþykkt af Vatnsveitufélagi Skammbeinsstaðabæja í Holtahreppi, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 7. febrúar 1966.

F. h. r.

Hjálmar Vilhjálmsson.

Hallgrímur Dalberg.

REGLUGERÐ

um breyting á reglugerð nr. 41 24. apríl 1965, um komu, brottflug og yfirflug erlendra flugfara í millilandaflugi yfir íslenskt yfirráðasvæði.

1. gr.

1. mgr. 11. gr. reglugerðarinnar orðist þannig:

Fyrir loftför skráð í ríkjum, sem eru aðilar að Chicago-sáttmálanum, og æskja leyfis til loftferða samkvæmt 10. gr., skal senda umsókn til flugmálastjóra með sama fresti og um getur í 2. mgr. 9. gr.

Ef flogið er í sambandi við fjölferð (inclusive tour), að nokkru eða öllu leyti, skal senda umsókn til flugmálastjóra með a. m. k. 15 daga fyrirvara, ef um er að ræða eina ferð á sama almanaksári. Umsókn skal þó senda með a. m. k. 30 daga fyrirvara, ef um er að ræða fleiri ferðir en eina, sem sótt er um eða hafi sami aðali fengið sams konar leyfi áður á sama almanaksári.

2. gr.

Aftan við 11. gr. reglugerðarinnar komi ný málsgrein, svo hljóðandi:

Ráðherra getur, að fengnum tillögum flugmálastjóra, takmarkað eða bannað alveg leiguflug, einstakar ferðir eða um tilekinn tíma, á tilteknum flugleiðum, ef íslenskt flugfélag, er rekur áætlunarflug samkvæmt loftferðasamningi æskir þessa og færir rök fyrir, að slíkt leiguflug sé hættulegt hagsmunum sínum.

3. gr.

2. mgr. II. liðs 12. gr. reglugerðarinnar, um lágmarksverð fjölferða, falli niður.